

STARFSLEYFI

Alifuglasláturhús

Ísfugl ehf.

Reykjavegi 36

Kt.: 671087-1439

Útgáfudagur leyfis: 15. janúar 2020 Gildir til: 15. janúar 2032

1. ALMENN ÁKVÆÐI

1.1 Gildissvið

Starfsleyfi þetta gildir fyrir Ísfugl ehf., kt. 6710871439, hér eftir nefndur rekstraraðili, til reksturs alifuglasláturhúsi að Reykjavegi 36 í Mosfellsbæ til slátrunar á allt að 1.600 tonn af kjúklingum og 500 tonn af kalkúnum eða í samræmi við löggjöf þar um.

Starfsleyfið byggist á skilyrðum á grundvelli reglugerðar nr. 550/2018 um losun frá atvinnurekstri og mengunarvarnaeftirliti sem sett er með stoð í 5. gr. laga nr. 7/1998 um hollustuhætti og mengunarvarnir.

Starfsleyfið gildir í 12 ár frá útgáfudegi. Starfsleyfið gildir fyrir byggingar og búnað sem samþykktar eru af bygginganefnd Mosfellsbæjar auk reksturs sláturhússins. Starfsleyfið fellur úr gildi ef skipt er um eigendur eða húsnæði.

1.2 Eftirlit

Heilbrigðiseftirlit Kjósarsvæðis hefur eftirlit með starfsemi rekstraraðila í samræmi við viðauka X, í reglugerð nr. 550/2018, um losun frá atvinnurekstri og mengunarvarnaeftirlit. Eftirlit felst m.a. í reglubundinni skoðun á vettvangi, móttöku athugasemda, fyrirspurna og yfirferð og mati á gögnum sem rekstraraðila ber að skila. Viðbótareftirlit getur farið fram m.a. vegna nýs búnaðar, vegna kvartana eða sérstakra úttekta vegna áætlana sem rekstraraðili hefur gert um úrbætur. Tímabilið milli tveggja vettvangsheimsóknna við eftirlit skal byggt á grundvelli eftirlitsáætlana sbr. 57. gr. reglugerðar nr. 550/2018,

1.3 Breytingar á rekstri

Rekstraraðili skal veita Heilbrigðiseftirliti Kjósarsvæðis upplýsingar um fyrirhugaðar breytingar á atvinnurekstrinum með góðum fyrirvara áður en ráðist verður í þær, sbr. 1. mgr. 13. greinar reglugerðar nr. 550/2018. Á grundvelli þeirra metur útgefandi hvort nauðsynlegt sé að gefa út nýtt starfsleyfi sbr. 2. mgr. 18. greinar reglugerðarinnar.

1.4 Gangsetning og stöðvun rekstrar (lokun)

Verði rekstri hætt, tímabundið eða varanlega, eða reksturinn stöðvast óvænt skal tryggt að úrgangi verði fargað með lögmætum hætti og fitugildra tæmd.

Rekstrarstöðvun skal tilkynnt eftirlitsaðila þegar ákvörðun liggur fyrir þannig að taka megi út frágang.

1.5 Endurskoðun starfsleyfis

Endurskoða skal starfsleyfið reglulega, sbr. 15. grein laga nr. 7/1998 og 14. gr. reglugerðar nr. 550/2018. Einnig er skylt að endurskoða starfsleyfið ef forsendur rekstrarins breytast með eftirfarandi hætti, sbr. 14. grein reglugerðar nr. 550/2018.

1.6 Valdsvið og þvingunarúrræði

Fylgi rekstraraðili ekki ákvæðum starfsleyfis, laga og reglugerða á starfssviði sínu, eða fyrirmælum eftirlitsaðila um úrbætur, getur eftirlitsaðili beitt ákvæðum VI. kafla laga nr. 7/1998, um hollustuhætti og mengunarvarnir, til að knýja fram úrbætur. Eftirlitsaðila er þannig m.a. heimilt að veita tilhlýðilega fresti til úrbóta og veita áminningu sbr. 1. og 2. tl. 1. mgr. 60. gr. laganna. Sinni rekstraraðili ekki fyrirmælum um úrbætur innan tiltekins frests er eftirlitsaðila heimilt sbr. 1. mgr. 61. gr. laganna að ákveða rekstraraðila dagsektir eða að láta vinna verk á kostnað rekstraraðila. Jafnframt er eftirlitsaðila heimilt sbr. 3. tl. 1. mgr. 60. gr. laganna, ef um alvarleg tilvik eða ítrekuð brot er að ræða, eða ef rekstraraðili virðir ekki fyrirmæli um úrbætur innan tiltekins frests, að stöðva eða takmarka starfsemi rekstraraðila, eða að afturkalla starfsleyfið.

1.7 Upplýsingaréttur almennings

Almenningur á rétt á aðgengi að upplýsingum um starfsleyfi og starfsleyfisumsókn og upplýsingum um mengunareftirlit í samræmi við ákvæði IV. viðauka reglugerðar nr. 550/2018 . Heilbrigðiseftirlit Kjósarsvæðis birtir niðurstöður skv. greinum 1.3 og 1.7 opinberlega. Birtingin er á vefsíðu stofnunarinnar eða með öðrum aðgengilegum hætti.

1.8 Umhverfisábyrgð

Rekstraraðili ber ábyrgð á umhverfistjóni eða yfirvofandi hættu á slíku tjóni af völdum atvinnustarfsemi sbr. lög nr. 55/2012, um umhverfisábyrgð, og skal koma í veg fyrir tjón eða bæta úr tjóni ef það hefur orðið og bera kostnað af ráðstöfunum sem af því leiðir.

2. STARFSHÆTTIR

2.1 Starfshættir og umhverfismarkmið

Rekstraraðili skal fylgja starfsreglum og draga sem mest úr því álagi sem starfsemin veldur á umhverfið. Skal hann setja sér umhverfismarkmið og starfa samkvæmt þeim. Skulu umhverfismarkmiðin endurskoðuð á fjögurra ára fresti. Ef umhverfismarkmið eru hluti af umhverfisstjórnunarkerfi rekstraraðila er fullnægjandi að vísa til þeirra. Gerðar skulu nauðsynlegar ráðstafanir til þess að koma í veg fyrir mengunaróhöpp og draga úr afleiðingum þeirra.

2.2 Samskipti og samráð

Sérstakur fulltrúi rekstraraðila skal vera tengiliður við eftirlitsaðila og ber hann ábyrgð á samskiptum rekstraraðila vegna eftirlits með mengunarvörnum og framkvæmd viðbragðsáætlana. Eftirlitsaðili getur haft samband við þennan aðila utan hefðbundins starfstíma ef þörf krefur.

2.3 Þjálfun starfsfólks

Tryggja skal að starfsfólk hafi fullnægjandi þekkingu á eitrunarhættu og eiginleikum þeirra efna sem það gæti komist í tæri við og skulu upplýsingar þar að lútandi ávallt vera tiltækar á vinnustað.

2.4 Umhverfisstjórnunarkerfi

Rekstraraðili getur valið að vinna eftir umhverfisstjórnunarkerfi, kjósi hann það. Velja má staðlað umhverfisstjórnunarkerfi, t.d. ISO 14001, eða þátttöku í umhverfisstjórnunarkerfi ESB, sbr. reglugerð nr. 344/2013 um frjálsa þátttöku fyrirtækja og stofnana í umhverfisstjórnunarkerfi Evrópusambandsins (EMAS).

2.5 Áhættumat og viðbragðsáætlun vegna hættu á mengun hafs og stranda

Rekstraraðili skal vera með viðbragðsáætlun sem unnin er á grundvelli áhættumats um mögulega mengun frá starfseminni. Viðbragðsáætlun skal endurskoða a.m.k. á fjögurra ára fresti. Hún skal vera tiltæk starfsmönnum á vinnustað og aðgengileg eftirlitsaðila.

2.6 Viðbrögð við mengunaróhöppum

Verði óhapp sem getur haft í för með sér losun mengandi efna út í umhverfið skal þegar í stað grípa til aðgerða til að koma í veg fyrir útbreiðslu mengunarefna og til að fyrirbyggja að mengun valdi skaða á umhverfinu. Eftir því sem við á skal fylgja viðbragðsáætlun, Rekstraraðila ber að hreinsa þá mengun sem kann að verða við óhöpp eða önnur atvik, á sinn kostnað. Rekstraraðili skal fara yfir öll óhöpp og gera ráðstafanir sem miða að því að hindra að sambærileg atvik endurtaki sig. Eftirlitsaðili skal upplýstur um slíkar ráðstafanir.

2.7 Tilkynningar vegna mengunaróhappa

Ef óhapp verður sem þarfnast tafarlausa aðgerða skal hafa samband við 112. Tilkynna skal eftirlitsaðila um mengunaróhapp eins fljótt og mögulegt er. Greina skal eftirlitsaðila frá því ef hætta er talin á neikvæðum afleiðingum fyrir umhverfið. Eftirlitsaðila er heimilt ef þörf er á að óska eftir upplýsingum um önnur sérstök atvik í rekstri sem geta haft í för með sér aukna mengun. Einnig skal rekstraraðili fara yfir atvikið og gera ráðstafanir sem miði að því að hindra að sambærilegt atvik endurtaki sig. Eftirlitsaðili skal upplýstur um slíkar ráðstafanir

2.8 Trygging vegna bráðamengunar.

Rekstraraðili skal taka ábyrgðartryggingu vegna bráðamengunar hafs og stranda eða leggja fram aðra fullnægjandi tryggingu sem Umhverfisstofnun metur gilda, að upphæð 1 milljón SDR, sbr. ákvæði 16. gr. laga nr. 33/2004.

3. VARNIR GEGN MENGUN YTRA UMHVERFIS

3.1 Mengunarvarnir

Rekstraraðila ber að uppfylla gildandi lög og reglugerðir á starfssviði sínu. Rekstraraðili skal nota bestu aðgengilegu tækni (BAT) við mengunarvarnir og nýta orku vel. Verði breytingar á bestu aðgengilegu tækni skulu þær taka gildi og innleiddar samkvæmt ákvæðum í grein 1.6.

Eintak af starfsleyfi þessu skal ávallt vera tiltækt á vinnustað ásamt afstöðumynd af bensinstöð, flæðiriti af stöðinni með merkingum geyma og lagna, viðbragðsáætlun og rekstrarhandbók.

Rekstraraðili skal halda rekstrarsvæði sínu snyrtilegu og þar skulu ekki vera hlutir eða efni sem ekki tilheyra starfseminni. Eftirlitsaðili getur krafist lagfæringa og viðgerða á lóð, girðingu eða öðrum mannvirkjum ef nauðsynlegt þykir til þrífnaðar eða ef ástand þeirra er til lýta fyrir umhverfið.

Aðstaða til eftirlits og sýnatöku á frárennsli skal vera auðveld.

Óheimilt er að gera breytingar á byggingum, frágangi eða gerð búnaðar nema með samþykki heilbrigðisnefndar.

3.4 Fráveita

Niðurföll skulu útbúin með ristum eða sambærilegum búnaði þannig að grófur úppleystur úrgangur berist ekki í fráveitu.

Fitumengað afrennslisvatn af plani skal leiða í fitugildru þar sem við á. Frágangur á þessum búnaði skal vera í samráði við heilbrigðisfulltrúa.

Fráveita frá slátrun og vinnslu skal tengd jöfnunartanki sem tekur við tveggja til þriggja tíma rennsli miðað við hámarksafköst sláturhússins til þess að jafna rennsli í fráveitukerfi yfir daginn og koma í veg fyrir of mikið álag í hreinsibúnaði og fráveitukerfi.

Hreinsibúnaðar til dæmis uppdrifs og fleytibúnað (DAF) þar sem til viðbótar er beitt efnafræðilegri meðhöndlun skal vera tengdur fráveitu. Hreinsa þarf að skólp að lágmarki þannig að lækun á líffræðilegri súrefnisþörf (BOD við 20°C) sé 70-90% og á efnafræðilegri súrefnisþörf (COD) sé að lágmarki 70%. Heildarmagn svifagna þarf að lækka um 90%. Um mæliaðferðir er vísað til reglugerðar nr. 797/1999 um fráveitur og skólp.

Fitu og úrgang sem safnast í fitugildru eða á ristar skal nýta eftir því sem kostur er (bræðsla/mjölvinnsla), en að öðrum kosti farga á viðurkenndan hátt.

Heilbrigðisnefnd getur frestað ákvörðun um beitingu efnafræðilegrar meðhöndlunar við hreinsun skólps sbr. kröfu í þessari grein ef sýnt þykir að meðhöndlun án hennar sé nægjanleg að mati Fráveitu Mosfellsbæjar þannig að engin neikvæð áhrif komi fram í fráveitukerfinu.

3.4 Úrgangur

Dregið skal skipulega úr myndun úrgangs og úrgangi komið til endurnýtingar eða skipulagðrar förgunar. Spilliefni sem verða til við starfsemina skal skrá og skila til viðurkenndrar spilliefnamóttöku. Úrgangsolía skal fara til samþykkt mottökuaðila. Sorphirslur og ílát undir úrgang skulu standast kröfur heilbrigðiseftirlitsins og skulu ílát losuð reglulega.

Allur úrgangur (þ.m.t. blóð) skal fluttur reglulega til viðurkenndra móttökustöðva eða nýttur á viðurkenndan hátt. Þess skal gætt að úrgangur á vegum fyrirtækisins verði aldrei til óprýði né valdi skaða á umhverfinu.

Þess skal gætt að hvorki fuglar né meindýr komist í úrgang eða annað æti frá fyrirtækinu (lokuð ílát eða gámar).

3.5 Efnanotkun, öryggisblöð og skiptireglan

Rekstraraðili skal vinna samkvæmt efnalögum nr. 61/2013 og reglugerð nr. 888/2015 um skráningu, mat, leyfisveitingu og takmarkanir að því er varðar efni (REACH) sem og öðrum reglugerðum sem gilda um efni og efnablöndur. Við geymslu og meðhöndlun efna skal takmarka aðgengi og mengunarhættu eins og kostur er. Við mengunaróhöpp skal fylgja viðbragðsáætlunum skv. grein 2.5.

4. INNRA EFTIRLIT OG VÖKTUN

4.1 Skráningar

Rekstraraðili skal hafa reglulegt eftirlit með rekstarþáttum sem geta haft í för með sér mengun eða losun efna út í umhverfið. Skrá skal upplýsingar um eftirtalin atriði og skulu skráningar gerðar í rekstrarhandbók og vera aðgengilegar eftirlitsaðila:

- a) • Atvik er varða mengun og mengunarvarnir fyrirtækisins s.s. rekstur og viðhald á ristum, fitugildru, lofthreinsibúnaði og bilanir á vélum, leka eða mengunarslys.
- b) Skil á spilliefnum og öðrum úrgangsefnum. Vottorð móttökustöðva skulu varðveitt í a.m.k. 4 ár.

4.2 Ýmsar eftirlitsmælingar

Eftirfarandi mælingar, skulu framkvæmdar af rekstraraðila, eftir því sem við á:

- Mæla skal fitu í fráveituvatni aftan við fitugildru, að lágmarki þriðja hvert ár en árlega ef fita mælist 15 mg/l eða meiri í útrennsli fitugildru. Þegar svo ber undir þarf að auka eftirlit og mögulega losun á fitugildrunni.

Niðurstöður mælinganna skulu færðar í rekstrarhandbók og skilað til Heilbrigðiseftirlits Kjósarsvæðis.

Ef staðlar krefjast tíðari prófana skal miða við kröfur sem þar koma fram.

4.3 Framkvæmd mælinga

Rekstraraðili skal kosta og ábyrgjast framkvæmd mælinga sem kveðið er á um í starfsleyfi þessu.

5. GJALDSKYLDA

Starfsemi þessi er flokkuð í lögum nr. 7/1998 í viðauka IV, lið 5,1. Starfsemin er flokkuð í reglugerð nr. 550/2018 í X. viðauka, lið 5.1. Rekstraraðili greiðir Heilbrigðiseftirliti Kjósarsvæðis gjald vegna útgáfu og kynningar starfsleyfisins og greiðir eftirlitsaðila gjald vegna reglubundins eftirlits skv. gildandi gjaldskrá fyrir heilbrigðis- og mengunarvarnaeftirlit á svæði Heilbrigðiseftirlits Kjósarsvæðis. Gjald vegna viðbótareftirlits, svo sem vegna vanefnda eða kvartana, greiðist sérstaklega samkvæmt gjaldskrá.

6. GILDISTAKA


Starfsleyfi þetta, sem er veitt samkvæmt reglugerð nr. 550/2018, um losun frá atvinnurekstri og mengunarvarnaeftirlit, sbr. lög nr. 7/1998, um hollustuhætti og mengunarvarnir, öðlast þegar gildi og gildir til 15. janúar 2032. Ákvörðun Heilbrigðiseftirlits Kjósarsvæðis um útgáfu starfsleyfis er kæránleg til úrskurðarnefndar umhverfis- og auðlindamála innan eins mánaðar frá birtingu ákvörðunar Heilbrigðiseftirlits Kjósarsvæðis skv. 1. mgr. 65. gr. laga nr. 7/1998, um hollustuhætti og mengunarvarnir, sbr. 4. gr. laga nr. 130/2011, um úrskurðarnefnd umhverfis- og auðlindamála. Starfsleyfinu fylgir greinargerð, sjá fylgiskjal.

Fylgiskjal: Greinargerð vegna starfsleyfisútgáfu í samræmi við 6. gr. reglugerðar nr. 550/2018 um losun frá atvinnustarfsemi og mengunarvarnaeftirlit.

Umsókn um starfsleyfi barst þann 13. nóvember 2019 og í framhaldi unnið að endurskoðun starfsleyfis skilyrða. Haldinn var samráðsfundur með Mosfellsbæ þar sem fram kom að fita frá fyrirtækinu er að valda vandræðum í fráveitukerfinu auk þess sem fita af plani er leidd í grjótpúkk sem fyllist á þriggja ára fresti og er þá endurnýjað. Þörf var talin á að setja inn ákvæði sem felur í sér betri mengunarvarnir til að taka á hvoru tveggja og er gert ráð fyrir að fyrirtækinu verði gefinn aðlögunartími til að bregðast við þessu.

Starfsleyfið var auglýst frá 17. desember 2019– 14. janúar 2020. Engar athugasemdir bárust og starfsleyfið því gefið út skv. ofangreindum skilyrðum eins og þau voru auglýst.

Mosfellsbæ, 15. janúar 2020

The image shows a handwritten signature in black ink, which appears to be 'Þorsteinn Narfason'. Overlaid on the signature is a circular official stamp. The stamp contains the text 'FRAMKVÆMDASTJÓRI' at the top, 'HEILBRIGÐISEFTIRLITS' in the center, and 'KJÓSARSVÆÐIS' at the bottom.

Þorsteinn Narfason,
framkvæmdastjóri.